

# **STATUT**

**Islamske zajednice Bošnjaka  
Sjeverne Amerike**

## **I - NAZIV ORGANIZACIJE**

### **Član 1.**

Islamska zajednica Bošnjaka je krovna vjerska zajednica svih bošnjačkih džemata na području Sjeverne Amerike koji su njeni punopravni članovi.

Naziv organizacije je "ISLAMSKA ZAJEDNICA BOŠNJAKA SJEVERNE AMERIKE".

U daljem tekstu Statuta koristiće se skraćeno ime "Islamska zajednica Bošnjaka".

Islamska zajednica Bošnjaka Sjeverne Amerike (u daljem tekstu Islamska zajednica Bošnjaka) je krovna vjerska zajednica svih bošnjačkih džemata na području Sjeverne Amerike koji su njeni punopravni članovi.

Službeni naziv zajednice na bosnaskom jeziku je: "Islamska zajednica Bošnjaka Sjeverne Amerike".

Skraćeni naziv zajednice na bosnaskom jeziku je: "Islamska zajednica Bošnjaka".

Službeni naziv zajednice na engleskom jeziku, na kojem je ista i registrirana, je: "Islamic Community of North American Bosniaks", skraćeno "ICNAB".

### **Član 2.**

Islamska zajednica Bošnjaka je dio Islamske zajednice u Bosni i Hercegovini (IZ u BiH) osnovana sa ciljem ispunjavanja svih duhovnih i vjerskih potreba i obaveza Bošnjaka u Sjevernoj Americi.

## **II – CILJEVI I DJELATNOSTI**

### **Član 3.**

Primarni cilj Islamske zajednice Bošnjaka je obezbjeđivanje uslova za praktikovanje Islama prema učenju hanefijske pravne škole u fikhu / praksi, maturidijskog tumačenja u akaidu / vjerovanju, što je u skladu sa islamskom tradicijom Bošnjaka.

### **Član 4.**

Izvor islamskih propisa i zakona je Kur'an (sveta knjiga islamske vjere) i Sunnet (praksa) Poslanika Muhammeda alejhisselam, po tumačenju učenjaka Ehli Sunneta vel Džema'ata.

### **Član 5.**

Islamska zajednica Bošnjaka čuva vjerodostojnost islamskih normi i osigurava njihovo tumačenje i primjenu.

### **Član 6.**

Islamska zajednica Bošnjaka se brine o islamskom odgoju i obrazovanju svojih pripadnika i zalaže se za očuvanje vrijednosti braka i porodičnog života.

#### **Član 7.**

Islamska zajednica Bošnjaka organizuje i pomaže aktivnosti kojima se poboljšavaju društveni i materijalni uvjeti života muslimana.  
Islamska zajednica Bošnjaka organizuje djelatnosti kojima se stiče, štiti i uvećava njena imovina.

#### **Član 8.**

Islamska zajednica Bošnjaka uspostavlja i održava saradnju sa drugim islamskim zajednicama, ustanovama i organizacijama u svijetu.  
Islamska zajednica Bošnjaka sarađuje sa drugim vjerskim zajednicama i organizacijama u aktivnostima kojima se doprinosi miru, pravdi i dobru među ljudima.

#### **Član 9.**

Jedan od ciljeva Islamske zajednice Bošnjaka je poučavanje muslimanskog i nemuslimanskog društva o tolerantnim i miroljubivim islamskim shvatanjima.  
Islamska zajednica Bošnjaka će održavati otvoreni dijalog sa ostalim vjerskih organizacijama promovišući sveobuhvatan mir i ljudska prava, s ciljem pozitivne integracije u šire društvo kroz održavanje otvorenog dijaloga sa drugim vjerskim i kulturnim zajednicama, bez obzira na rasu, vjeru, boju kože i bez diskriminacije bazirane na uvjerenjima kao i proklamovanje univerzalnosti i sveobuhvatnosti vjere i duhovnosti.

#### **Član 10.**

Promoviranje ekstremnih vjerskih načela biće odbačeno, a bilo koji dužnosnik Islamske zajednice Bošnjaka, izabran ili imenovan, koji zastupa mišljenje okarakterisano radikalnim ili kontraverznim biće adekvatno procesuiran od strane nadležnog organa Islamske zajednice Bošnjaka u skladu sa normativnim aktima.

#### **Član 11.**

Sve vjerske obrede u džematima članicama Islamske zajednice Bošnjaka predvode isključivo ovlaštena vjerska lica.

#### **Član 12.**

U svrhu sprečavanja mjenja ciljeva Islamske zajednice Bošnjaka definiranih ovim Statutom ili bilo čega što se smatra kršenjem istih biće poništeni i dokinuti od strane nadležnih organa Islamske zajednice Bošnjaka.

Islamska zajednica će kontinuirano vršiti humanitarne aktivnosti u USA, Kanadi i mjestima gdje se ukaže potreba za humanitarnom pomoći.

Islamska zajednica Bošnjaka će uspostaviti potrebnu infrastrukturu kako bi bila u mogućnosti pomoći svima a posebno siročadima, udovicama, bolesnim i hendikepiranim.

### **III – VRSTA ORGANIZACIJE**

#### **Član 13.**

Islamska zajednica Bošnjaka je formirana na osnovama Zakona o neprofitnim organizacijama države Arizona, USA kako bi ostvarila ciljeve objašnjene u Članovima 4 – 10 ovog Statuta.

### **IV – KANCELARIJE I UREDI**

#### **Član 14.**

Sjedište Islamske zajednice Bošnjaka je na adresi: 13246 North 23rd Avenue, Phoenix, AZ 85029.

Odluku o promjeni sjedišta donosi Sabor na prijedlog Upravnog odbora.

#### **Član 15.**

Islamska zajednica Bošnjaka može u svako vrijeme da otvori podružnice i podružne kancelarije na bilo kojem mjestu ili mjestima gdje ovo tijelo djeluje u skladu sa svojim normativnim aktima.

### **V – USTROJSTVO ISLAMSKJE ZAJEDNICE**

## **DŽEMAT**

### **Član 16.**

Džemat je osnovna organizaciona jedinica Islamske zajednice Bošnjaka. Džemat u pravilu sačinjava skupina ljudi koji žive na jednom području i koji su međusobno povezani u izvršavanju zajedničkih islamskih dužnosti. Džemat treba imati najmanje 100 muslimanskih domaćinstava, ili manje ako je u stanju finansijski održavati sam sebe.

### **Član 17.**

Članstvo džemata unutar Islamske zajednice Bošnjaka se definiše pravilnikom o prijemu džemata u Islamsku zajednicu Bošnjaka.

### **Član 18.**

Organi džemata su Skupština džemata i džematski odbor.

### **Član 19.**

Skupštinu džemata sačinjavaju svi članovi koji izvršavaju svoje obaveze u dotičnom džematu. Skupština džemata bira džematski odbor, članove Skupštine medžlisa, sabornike Islamske zajednice Bošnjaka te donosi važnije odluke koje se tiču organizacije džemata i vjerskog života u džematu.

### **Član 20.**

Džematski odbor osigurava uvjete za vjerski život u džematu.

### **Član 21.**

Predsjednik džematskog odbora predstavlja džemat u administrativnim i imovinskim poslovima.

### **Član 22.**

Imam je član džematskog odbora po položaju. Imam se brine o vjerskom životu u džematu, vodi matične knjige džemata i predstavlja džemat u stvarima vjere. Imam ima pravo veta na svaku odluku koja je u suprotnosti sa islamskim propisima. Imama postavlja, premješta i razrješava Reisu-l-ulema na prijedlog Glavnog imama.

### **Član 23.**

Džemati svoj rad usklađuju sa Pravilnikom o radu Džemata članica Islamske zajednice Bošnjaka Sjeverne Amerike.

## **MEDŽLIS**

### **Član 24.**

Medžlis je viša organizaciona jedinica Islamske zajednice Bošnjaka koja obuhvata džemate koji čine povezanu cjelinu jedne regije.

### **Član 25.**

Odluku o osnivanju medžlisa ili reorganizaciji medžlisa (mn.) donosi Sabor Islamske zajednice Bošnjaka na prijedlog Upravnog odbora.

### **Član 26.**

Organi medžlisa su Skupština medžlisa, Oblasni imam i Nadzorni odbor medžlisa. Skupštinu medžlisa čine: Oblasni imam, svih imami na području medžlisa i ostali članovi shodno pravilniku o izborima i mandatima u Islamskoj zajednici.

Skupština medžlisa:

- izvršava odluke i provodi uputstva viših organa Islamske zajednice Bošnjaka
- koordinira aktivnosti džemata na području medžlisa
- bira članove Nadzornog odbora medžlisa
- usvaja godišnji izvještaj o radu

Oblasni imam je član Skupštine medžlisa po funkciji i predsjedava radom iste.

Oblasni imam se brine o vjerskom životu na području medžlisa i odgovoran je za rad imama, hatiba i muallima na području medžlisa.

Oblasnog imama postavlja, premješta i razrješava Reisu-l-ulema na prijedlog Glavnog imama.

Nadzorni odbor medžlisa koordinira i nadzire rad džematskih odbora i daje im uputstva za rad.

### **Član 27.**

Rad Medžlisa se definiše Pravilnikom o radu medžlisa Islamske zajednice Bošnjaka.

## **UPRAVNI ODBOR ISLAMSKJE ZAJEDNICE BOŠNJAKA**

### **Član 28.**

Upravni odbor je najviši vjerski i administrativni organ Islamske zajednice Bošnjaka.

### **Član 29.**

Upravni odbor Islamske zajednice Bošnjaka se sastoji od 9 članova: Glavni imam, Oblasni imami ispred svakog od četiri medžlisa, i po jedan član iz reda džematlija ispred svakog medžlisa.

### **Član 30.**

Upravni odbor formira sljedeće komisije i tijela:

1. Savjet imama,
  2. Komisija za fikhska pitanja,
  3. Ured za zekat rukovodi prikupljanjem i distribucijom zekata,
  4. Ured za hadždž i umru,
  5. Vjersko-prosvjetna služba,
  6. Ured za izdavačku djelatnost,
  7. Ostale stalne i privremene komisije ili druga tijela koja mogu biti potrebna.
- Nadležnosti svih komisija i tijela iz ovog člana biće regulisane posebnim aktom kojeg donosi Upravni Odbor.

### **Član 31.**

Način izbora i dužina mandata članova Upravnog odbora se definišu Pravilnikom o izborima i mandatima Islamske zajednice Bošnjaka Sjeverne Amerike.

### **Član 32.**

Rad Upravnog odbora Islamske zajednice Bošnjaka se definiše Pravilnikom o radu Upravnog odbora Islamske zajednice Bošnjaka.

## **SABOR ISLAMSKJE ZAJEDNICE BOŠNJAKA**

### **Član 33.**

Sabor je najviši predstavnički i zakonodavni organ Islamske zajednice Bošnjaka.

### **Član 34.**

Sabor Islamske zajednice Bošnjaka:

- Usvaja Statut i druge propise kojima se uređuje organizacija i djelovanje organa i ustanova Islamske zajednice Bošnjaka.
- Usvaja propise o upotrebi logo-a i obilježja Islamske zajednice Bošnjaka.
- Daje smjernice za rad organa i ustanova i za upravljanje imovinom Islamske zajednice Bošnjaka.
- Odobrava budžet i usvaja finansijski izvještaj Upravnog odbora Islamske zajednice Bošnjaka.
- Osniva ustanove i fondove i odobrava osnivanje preduzeća pri Islamskoj zajednici Bošnjaka.
- Verifikuje izbor članova Upravnog odbora Islamske zajednice Bošnjaka.
- Imenuje i razrješava članove Suda časti Islamske zajednice Bošnjaka.

### **Član 35.**

Sabor Islamske zajednice Bošnjaka ima predsjednika, potpredsjednika i sekretara. Predsjednika, potpredsjednika i sekretara Sabora Islamske zajednice Bošnjaka biraju delegati Sabora.

Predsjednik Sabora predsjedava sjednicom Sabora i saziva istu. Predsjednik Sabora je dužan sazvati sjednicu Sabora Islamske zajednice Bošnjaka ako to od njega zatraži najmanje jedna četvrtina sabornika, Upravni odbor Islamske zajednice Bošnjaka ili Glavni imam Islamske zajednice Bošnjaka.

### **Član 36.**

Sabornici su delegati džemata koji su prošli potrebnu proceduru prijema u Islamsku zajednicu Bošnjaka.

Džemati delegiraju sabornike na osnovu pravilnika o izborima i mandatima Islamske zajednice Bošnjaka.

### **Član 37.**

Godišnja skupština Sabora se održava svake godine, u određeno vrijeme i na određenom mjestu. Kvorum skupštine Sabora čini nadpolovična većina od ukupnog broja sabornika.

### **Član 38.**



Prijedlog dnevnog reda Skupštine Sabora, redovne i vanredne, utvrđuje Predsjednik Sabora uz konsultacije sa Upravnim odborom Islamske zajednice Bošnjaka. Dnevni red se usvaja na početku svake Skupštine Sabora od strane prisutnih sabornika nadpolovičnom većinom.

#### **Član 39.**

Poziv za sjednicu Sabora mora biti dostavljen delegatima najmanje 30 dana prije sazivanja sjednice Sabora Islamske zajednice Bošnjaka. Poziv treba sadržavati: prijedlog dnevnog reda sa materijalima, mjesto, datum i vrijeme održavanja sjednice. Na vanrednim sjednicama će se raspravljati samo ono što je navedeno kao svrha saziva sjednice.

#### **Član 40.**

Sabor Islamske zajednice Bošnjaka može formirati stalne i privremene komisije. Sabor Islamske zajednice Bošnjaka formira sljedeće komisije i tijela:

1. Vakufski ured
2. Sud časti
3. Izborna komisija
4. Ostale stalne i privremene komisije ili druga tijela koja mogu biti potrebna.

Nadležnosti svih komisija i tijela iz ovog člana biće regulisane posebnim aktom kojeg donosi Sabor Islamske zajednice Bošnjaka.

#### **Član 41.**

Sabornik može podnijeti ostavku na funkciju u bilo kojem trenutku. Ostavka ne oslobađa sabornike u ostavci bilo koje obaveze, nastalih troškova, usluga ili trenutnih koristi, dugovanja, procjena ili naknada, ili onoga što proizilazi iz ugovora ili drugih načina, i ne smije uskratiti pravo Islamske zajednice Bošnjaka da sprovede bilo koju obavezu ili dobije odštetu za kršenje iste.

## **VI – SLUŽBENICI ISLAMSKE ZAJEDNICE BOŠNJAKA**

## **Član 42.**

Službenici Islamske zajednice Bošnjaka su: glavni imam, sekretar / blagajnik, oblasni imami i imami.

## **GLAVNI IMAM**

### **Član 43.**

Glavni imam je predsjednik Islamske zajednice Bošnjaka i predstavlja Islamsku zajednicu Bošnjaka u administrativnim i stvarima vjere.

Glavni imam saziva i predsjedava sjednicama Upravnog odbora.

Glavni imam izvršava ovlasti i obavlja dužnosti koje su propisane Statutom i Pravilnikom o radu Upravnog odbora Islamske zajednice Bošnjaka.

Glavni imam:

- tumači islamske norme,
- stara se o zaštiti vjerskih prava muslimana,
- nadzire rad oblasnih imama i imama,
- predlaže postavljenje, razrješenje, premještanje imama i oblasnih imama.

### **Član 44.**

Upravni odbor može imenovati i može odobriti Glavnom imamu da imenuje bilo koju drugu stranku za čijom djelatnošću Islamska zajednica Bošnjaka ima potrebu, koja može imati titulu, kancelariju za određeno vrijeme, ovlasti, izvršavati obaveze specificirane Statutom ili određenih s vremena na vrijeme od strane Upravnog odbora.

## **SEKRETAR**

### **Član 45.**

Sekretar obavlja sve administrativne poslove Islamske zajednice Bošnjaka.

Sekretar prisustvuje sjednicama Upravnog odbora i vodi knjigu zapisnika svih sjednica Upravnog odbora i komisija, sa datumom i mjestom održavanja i imena prisutnih na sjednicama Upravnog odbora i komisija.

Sekretar je dužan da uredno vodi kancelarijsko i arhivsko poslovanje Islamske zajednice Bošnjaka.

Sekretar je dužan da dostavi zapisnike predviđenom procedurom, čuva pečat Islamske zajednice Bošnjaka na bezbjednom mjestu, i ima druge ovlasti i obaveze propisane od strane Upravnog odbora.

## **BLAGAJNIK**

### **Član 46.**

Blagajnik je dužan da evidentira sve finansijske transakcije Islamske zajednice Bošnjaka. Blagajnik je dužan da uredno vodi finansijske knjige u skladu sa zakonskom regulativom i dadne ih na uvid procedurom predviđenom Pravilnikom o radu Upravnog odbora islamske zajednice.

Blagajnik ima potrebna ovlaštenja za obavljanje dužnosti koje su u prirodi njegove službe.

Sva prikupljena finansijska sredstva trebaju biti u najkraćem roku položena na račun Islamske zajednice Bošnjaka kod banki koje je izabrao Upravni odbor.

Dužnosti blagajnika i sekretara mogu biti objedinjene.

U odsustvu ili spriječenosti sekretara ili blagajnika, pomoćnici sekretara i blagajnika, ako su prethodno imenovani, imaju ovlaštenja da obnašaju dužnosti odsutnih.

## **OBLASNI IMAMI**

### **Član 47.**

Oblasni imami vrše svoje dužnosti i funkcije u skladu sa nadležnostima iz člana 27. ovog Statuta.

## **IMAMI**

### **Član 48.**

Imami vrše svoje dužnosti i funkcije u skladu sa nadležnostima iz člana 23. ovog Statuta.

## **VIII – FINANSIJSKA NAKNADA**

### **Član 49.**

Islamska zajednica Bošnjaka može nadoknaditi troškove članovima, službenicima i strankama na osnovu vlastitog propisa o finansijskom poslovanju.

### **Član 50.**

Islamska zajednica Bošnjaka neće nadoknaditi troškove prouzrokovane od strane bilo kojeg člana, osim ako takvi troškovi budu napravljeni po ovlaštenju odgovarajućeg organa Islamske zajednice Bošnjaka.

Suspendiranim članovima Islamske zajednice Bošnjaka i njihovim delegatima Islamska zajednica Bošnjaka ne snosi troškove.

## **IX – IMOVINA ISLAMSKJE ZAJEDNICE BOŠNJAKA**

### **Član 51.**

Imovinu Islamske zajednice čine vakufska dobra i druge stvari, prava i novčana sredstva.

### **Član 52.**

Imovina služi Islamskoj zajednici za djelatnosti kojima se postiže cilj Islamske zajednice i ne može se koristiti za druge svrhe.

### **Član 53.**

Imovina Islamske zajednice stiče se iz:

- vakufskih dobara i druge pokretne i nepokretne imovine Islamske zajednice,
- redovnih doprinosa,
- zekata, sadakatu-l-fitra i kuršana,
- prihoda organizacija i ustanova Islamske zajednice koje ostvaruju dobit,
- fondova,
- poklona, vasijjeta i drugih prihoda i priloga.

### **Član 54.**

Svako fizičko i pravno lice može u duhu šerijatskih propisa osnovati vakuf.

Vakufska dobra su po svojoj naravi neotuđiva.

Rijaset Islamske zajednice Bošnjaka odobrava osnivanje vakufa za vjerske namjene i donosi odluke o zamjeni vakufske imovine na prijedlog Upravnog Odbora Islamske zajednice Bošnjaka.

### **Član 55.**

Vakufskom imovinom upravlja Vakufski ured Islamske zajednice Bošnjaka.

Pravila o organizaciji i radu Vakufskog ureda donosi Sabor Islamske zajednice Bošnjaka.

U upravljanju vakufskom imovinom obavezno se primjenjuju odredbe vakufname i vasijjeta.

## **VII. IZBORNI SISTEM**

#### **Član 56.**

Aktivno i pasivno biračko pravo u Islamskoj zajednici Bošnjaka ima svaki pripadnik džemata koji je navršio osamnaest godina života i koji izvršava svoje obaveze u džematu.

#### **Član 57.**

Izbori u Islamskoj zajednici Bošnjaka vrše se tajnim glasanjem između više kandidata.

Komisija za izbore dužna je odbiti kandidaturu lica za koje se utvrdi da ne ispunjava uvjete za izbor u organe Islamske zajednice Bošnjaka.

Jedna osoba ne može istovremeno obavljati dužnost u najvišim predstavničkim i izvršnim organima Islamske zajednice Bošnjaka.

#### **Član 58.**

Mandati članova svih kolegijalnih organa se regulišu u Pravilniku o izborima i mandatima. Izabrani organi Islamske zajednice obavljaju svoju dužnost i poslije isteka mandata, sve do izbora, odnosno, konstituiranja novih organa.

#### **Član 59.**

Nosioci dužnosti u predstavničkim i izvršnim organima Islamske zajednice imaju pravo na podnošenje ostavke.

Nosilac dužnosti u organima Islamske zajednice opoziva se ili razrješava dužnosti kada se utvrdi:

- da su njegovo ponašanje i rad u suprotnosti sa islamskim normama,
- da radi suprotno propisima i odlukama organa Islamske zajednice,
- da ne izvršava osnovne obaveze na mjestu za koje je izabran, odnosno imenovan,
- da je svoj položaj zloupotrijebio,
- da je nesposoban da obavlja svoju dužnost.

### **IX – OSTALE ODREDBE**

#### **Član 60.**

Svi predmeti izvršeni u ime Islamske zajednice Bošnjaka, uključujući, ali ne i ograničeno na, ugovore, sporazume, narudžbe, zabilješke, uknjiženja, uknjiženja zadužbina, hipoteke, zakupe, sigurnosne sporazume, čekove i izdate naloge, ovjere čekova i zaprimljenih naloga, certifikata, aplikacija i izvještaja, trebaju biti izvršeni od strane službenika, stranke ili predstavnika Islamske zajednice Bošnjaka koji su ovlašteni od strane Upravnog odbora.

Ovlaštenje može biti generalno ili ograničeno na određene slučajeve.

#### **Član 61.**

Ukoliko kontekst drugačije ne zahtijeva, opšte odredbe, tumačenja, i definicije sadržane u Opštim odredbama Zakona o neprofitnim organizacijama države Arizona i Zakona o obostranim neprofitnim koristima organizacija države Arizona trebaju određivati tumačenja ovog Statuta.

#### **Član 62.**

Kraj fiskalne godine Islamske zajednice Bošnjaka biće 31. decembar tekuće godine.

### **X – ARHIVA I IZVJEŠTAJI**

#### **Član 63.**

Islamska zajednica Bošnjaka čuva arhivu i knjigovodstvo i arhivu računa, zapisnike u pisanoj formi svih upravnih postupaka članova Sabora, Upravnog odbora, komisija, i spiskove svojih članova sa njihovim imenima i adresama.

Svi dokumenti se čuvaju u glavnom uredu Islamske zajednice Bošnjaka.

### **XI – AMANDMANI**

#### **Član 64.**

Na ovaj Statut može biti donesen amandman na bilo kojoj redovnoj ili vanrednoj sjednici Sabora, a prijedlog amandmana mora biti poslan svim članovima Sabora trideset (30) dana prije održavanja sjednice.

### **XII – DODATNE ODREDBE**

#### **Član 65.**

Ovaj Statut je sačinjen u originalu na bosanskom jeziku i originalu na engleskom jeziku.

### **XIII – DISOLUCIJA**

#### **Član 66.**

U slučaju disolucije Islamske zajednice Bošnjaka, sva imovina će pripasti Rijasetu Islamske zajednice u Bosni i Hercegovini.

### **XIV – OVJERA SEKRETARA**

#### **Član 67.**

Potvrđujem da sam ja vršilac dužnosti sekretara Islamske zajednice Bošnjaka, Vjerske neprofitne organizacije države Arizona, i da ovaj Statut sadrži četrnaest (14) stranica, i da je ovaj Statut usvojen od strane Sabora na \_\_\_\_\_, i da nisu donošeni amandmani na ovaj Statut niti vršena modifikacija ovog Statuta od tog dana.

Potpisano \_\_\_\_\_, u \_\_\_\_\_, država Arizona.

\_\_\_\_\_

Sekretar